

2016-imut Nunatta Karsiate naatsorsuutaasa akuersissutigineqarnissaannik siunnersuut
 (Aningaasaqarnermut Akileraartarnermullu Naalakkersuisoq)

Saqquummiusissut

(Aningaasaqarnermut Akileraartarnermullu Naalakkersuisoq)

1. Siullermeernera

Matumuuna ukiumut aningaasanut inatsiseqarfiusumut 2016-imut Nunatta Karsiate naatsorsuutai Naalakkersuisut sinnerlugit saqqummiutissavakka.

2016-imut naatsorsuutit Namminersorlutik Oqartussat kukkunersiuisuinit avataaneersunit apeqqusernagit akuerineqarput.

Nunatta Karsia 2016-imi IST-imi 211 mio. koruuninik sinneqartoorteqarpoq, ilassutitut aningaasaliissutit ilanngullugit 100 mio. koruuninik amigartoorteqartussatut missingersuusiortoqarsimagaluartoq, tassalu katillugit 311 mio. koruuninik pitsaanerullutik nikingassuteqarlutik.

IS-mi angusat 51 mio. koruuninik sinneqartoofiupput ilassutitut aningaasaliissutit ilanngullugit 260 mio. koruuninik amigartoortussatut missingersuusiortoqarsimagaluartoq, tassa imaappoq nikingassutit 311 mio. koruuniullutik.

Ingerlatsinermi angusat tassaapput Nunatta Karsiate isertitai aningaasartuutaallu taarsigassarsiaritiat uningesuutigisallu nikisinnagit. Ingerlatsinermi angusat 2016-imi 347 mio. kr.-iupput, taakkulu 2015-imut sanilliullugit 100 mio. kr.-nit pallillugit annertunerupput.

Ingerlatsinermi angusat pitsanngoriarsimancerannut Nunatta Karsiate 2016-imi isertitaasa ingerlatsinermi aningaasartuutinut sanilliullugit 100 mio. kr.-ngajalluinnarnik annertuseriarsimancerat pissutaavoq. 2016-imi isertitat 2015-imut sanilliullugit 247 mio. kr.-nik annertunerupput ingerlatsinermilu aningaasartuutit 144 mio. kr.-nik annertuseriarsimallutik. Sanaartortitsinernut aningaasaliinernullu aningaasartuutit 2016-imi 2015-imisut annertutigingajapput.

Ingerlatsinermi angusat pitsanngoriarsimancerannut tunngaviusumik pissutaapput aningaasarsiorikkut ingerlatat amerlanerulersimancerat aamma raajanik aalisarnermillu tunisassiat akiisa qaffasinnerat. Taamaalilluni toqqaannartumik akileraarutit missingersuutinut sanilliullugit 213 mio. kr.-nik isertitaqarfiunerupput. Iluanaaruteqarnerunermut pingarnertut pissutaapput Namminersorlutik Oqartussat ingerlatseqatigiiffiutaasa akileraaruteqarnerusimancerat, aalisarnermik aalisarnermillu atatillugu ingerlatanit ingerlatseqatigiiffinnit iluanaarutisianillu annertunerusumik akileraaruteqarsimaneq kiisalu Air Greenlandip iluanaarutaanit agguagarsitinnejqarsimaneq.

Tassunga ilanngullugit Sanaartugassanut Iluarsagassanullu Aningaasaateqarfiup Nunatta Karsiate Naatsorsuutai ilanngullugit ineriartorsimanceranut tunngasut saqqummiunneqarput. Sanaartugassanut Iluarsagassanullu Aningaasaateqarfiup pilersinneqarnera kingorna Sanaartugassanut Iluarsagassanullu

Aningaasaateqarfiup ineriaartorsimanera pillugu Nunatta Karsiata Naatsorsuutaasa saqqummiunneqarneranut atatillugu siullermeertumik saqqummiisoqarpoq. Ataatsimoorussamik saqqummiineq Naalakkersuisut iluarilluinnarpaat, tamannalu Inatsisartut aammalu Kukkunersiuinermut Ataatsimiititaliap kissaatigisarsimasaanut naapertuuppoq.

Sanaartugassanut Iluarsagassanullu Aningaasaateqarfik pillugu nassuaammi aningaasaateqarfiup uningesuutaasa Nunatta Karsiata naatsorsuutaanut naapertuunneri saqqummiunneqarput, tamannalu ukiorpassuarni ajornartorsiutaasarsimavoq. Ilorraap tungaanut ineriaortoqarneranut pissutaavoq Aningaasaqarnermut Akileraartarnermullu Naalakkersuisoqarfiup aammalu Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoqarfiup suleqatigiillutik saliisimanerat. Saliinikkut pilersaarutit ingerlanngitsut 100-init amerlanerusut matuneqarsimapput tamatumalu saniatigut aningaasaateqarfiup ukioq 2000-imi pilersinneqarneranit aningaasartuutit tamakkerlugin inissitsiterneri annertuumik naqqissorneqarsimapput.

Sanaartugassanut Iluarsagassanullu Aningaasaateqarfiup 2015-ip naanerani aningaasat uningesuutai katillugit 1.010 mio. kr. -iupput. 2016-ip naanerani aningaasaateqarfiup aningaasat uninngasuutai katillugit 979 mio. kr.-iupput. Taamaasilluni aningaasaateqarfiup uninngasuutai 2016-ip ingerlanerani 31 mio. kr.-inik annikilleriarsimapput.

2016-imut Nunatta Karsiata naatsorsuutaasa akuersissutigineqarnissaannik siunnersuut Kukkunersiuinermut Ataatsimiititaliam i suliarineqartussanngorlugu innersuussutigineqassasoq siunnersuutigineqarpoq. Ataatsimiititaliaq naatsorsuutinik suliariinninnissamut aamma naatsorsuutit pillugit isumaliutissiinissamut pisariaqartinneqartumik piffissaqartinniarlugu siunnersuutip 2017-imi ukiakkut katersuunnermi aappassaaneerlugu suliarineqarnissaa siunnersuutigineqarpoq, tassa tamatuma ukiakkut katersuunnermi suliarineqarnissaanut piareersimanissaa anguniarlugu.

Kukkunersiuinermut Ataatsimiititaliaq avataanit kukkunersiusut kukkunersiusutut oqaaseqaataannik tigusaqarpoq. Naalakkersuisullu oqaaseqaatini inassuteqaatigineqartut oqaaseqaatigineqartullu pillugit ataatsimiititaliamit apeqqutigineqartunut allakkatigut kingusinnerusukkut akissuteqassapput.

Naalakkersuisut Nunatta Karsiata 2016-imut naatsorsuutai pilligit Kukkunersiuinermut Ataatsimiititaliamik pitsasumik oqaloqateqartarnissartik qilanaaraat.

Taamatut oqaaseqarlunga Naalakkersuisut sinnerlugit Nunatta Karsiata 2016-imut naatsorsuutai Inatsisartunut suliassanngortippakka.